

佛學大辭典

9



2403
S1032

【法界宮密嚴國】（雜名）大日法身之所都曰法界宮。又云密嚴國。雖常言在第四禪之摩醯首羅天。（見法界宮條）而深秘之意。謂欲界之都。率天亦為依此處云。

【法界胎藏三昧】（術語）周遍法界之大悲胎藏三昧也。大日經二曰：「住法界胎藏三昧。從此定起。說入佛三昧耶持明。」

【法珍】（人名）元崔氏女子名法珍。

後出家為尼。法名弘道。明刻方冊大藏緣起。陸光祖序云：「昔有女子崔法珍。斷臂募刻藏經。三十年始就緒。當時檀越。有破產鬻兒應之者。聖朝道化宏廣。越前朝遠甚。豈無勝心豪傑乎。不能倡而成之。而誘以為難。是丈夫之志。不如一女子也。」又馮夢禎序云：「宋元間。除京板外。如平江之積砂。吳興之某寺。越之某寺某寺等。俱有藏板。不啻七八副。法道之盛。此其一端。迨國朝。僅有兩京之板。（中畧）因記積砂藏板緣起。弘道尼斷臂募

化。弘道化後。其徒復斷臂繼之。更三世。其願始滿。吾儕丈夫。不能深心荷擔大法。鏤板流通。反一女子之不若。即生清世。遇佛乘。空手入寶山。豈不愧死。」

【法師】（術語）稱能精通佛法為人之師者。又謂行法之師也。法華經序品曰：「常修梵行。皆為法師。」法華文句曰：「法者軌則也。師者訓匠也。（中略）師於妙法自行成就。（中界）能以妙法訓匠於他。故舉法目師。」嘉祥法華經疏九曰：「以人能上弘大法。下為物師。故云法師。如世藥師以藥治人病。名為藥師。」三德指歸一曰：「精通經論曰法師。」因明大疏上曰：「言法師者。行法之師也。」又道士之善符籙祈禳諸法術者。亦稱法師。【五種法師】一受持。二讀經。三誦經。四解說。五書寫。為此五種弘通法華者。謂之五種法師。法華經法師品曰：「若復有人受持讀誦解說書寫妙法華經。」

【十種法師】（名數）辯中邊論。有十種法師。頌曰：「謂書寫供養。施他聽披讀。受持正開演。講說及思修。」

【法師品】（經名）法華第十品。為說五種法師功德及弘經方法之品。故謂之法師品。

【法師功德品】（經名）法華經二十八品中第十九品之名。明五種之法師。道力增逸。得六根清淨之功德者也。故名曰法師功德品。

【法差別相違因】（術語）因明四相違因之一。宗法中之法。有自相與差別之二者。言語之表面云自相。言語裏所含之意。許云差別。（見法自相相違因條）今立者所說之因。相違於欲其成立之法。之言下意。許謂之法差別相違因。例如數論師對佛者。謂「服等為他用。積聚性故。如臥具等。」「他」為立者之意。許者。非如佛者之言。謂五蘊和合

之假我，即常一之神我也。因之雖於言陳自相之上，用立敵相符之言物，而彼意許者，欲成立自宗之神我也。然彼諸說之積聚性之因，轉於同品之臥具等，而臥具等為假我之用物，非神我之用物，相違於欲立者成立之意許，於是生法之差別也。見因明入正理論。

【法海】（譬喻）佛法廣大難測，譬之以海。維摩經佛國品曰：「當禮法海，德無邊。」無量壽經上曰：「深諦善念諸佛法海。」大集經五十六曰：「法山欲崩頹，法海當復竭。」

【法海經】（經名）一卷，西晉法炬譯。為海八德經之別譯。

【法恩】（術語）四恩中之三寶恩也。

【法悅】（術語）聞法或由思惟而生之悅喜也。

【法財】（術語）法能利潤如財，謂之法財。維摩經佛國品曰：「常以法財施一切。」同慧遠疏曰：「法能資潤名為法財。」

【法座】（雜語）禪林演法之座（即須彌座）謂之法座。法華經序品曰：「即於法座上跏趺坐三昧。」沈約文曰：「塗出玉門，法座非遠。」

【法城】（術語）正法能遮防非法，故名曰城。又涅槃之妙果，是安身之處，故名曰城。又名一切之經法以能守護正法故也。無量壽經上曰：「嚴護法城。」同慧遠疏曰：「法能遮防，說之為城。」同嘉祥疏曰：「法城者，涅槃妙果，是安身處，故稱為城。說法令眾生修戒定慧以莊嚴之也。」維摩經佛國品曰：「為護法城，受持正法。」同註：「什曰：法城者，即實相法也。復次，一切經法皆名法城。」

【法徒】（雜名）學法之徒眾也。寄歸傳一曰：「法徒之大歸。」

【法夏】（術語）法臘也。計比丘之年當法夏幾十，法臘幾何，見法臘條。

【法被】（物名）禪林覆裹椅子之被。

布云法被。見象器箋十九。

【法流】（術語）言正法相續不絕，如水之流也。楞伽經四曰：「申暢無生者，法流永不斷。」楞嚴經八曰：「未與如來法流水接。」佛地論一曰：「處真法流，住真淨土。」行事鈔上一曰：「宅身佛海，餐味法流。」

【法家】（雜語）猶言佛門。

【法俱得】（術語）三種得之一。又云如影隨身得，謂能得與所得之法一時俱來也。無記之諸法力弱，故無法前法後之二得，僅由此法俱得，得我身也。

【法眼】（人名）建康清涼寺文益，餘杭人，姓魯氏，嗣羅漢琛。周顯德五年，諡曰大法眼禪師，大智藏大導師。見傳燈錄二十四。

【法眼】（術語）五眼之一，分明觀達緣生差別之法，謂之法眼。無量壽經下曰：「法眼觀察究竟諸道。」大集經五十六曰：「以一切法付囑天龍諸鬼神等，為令法眼久住熾然故。」大

經慧遠疏曰「智能照法。故名曰法眼。」

【法眼宗】（流派）禪宗五家之一。源

出六祖弟子行思。五傳而至雪峯。雪峯傳玄沙。玄沙傳羅漢。羅漢傳文益禪師。住金陵清涼院。嘗舉華嚴初地中六相義。并說三界唯心。萬法唯識。世謂之法眼宗。

【法眼淨】（術語）分明見真諦謂之

法眼淨。通於大小乘言之。小乘為於初果見四真諦之理。大乘為於初地得無生法忍。增一阿含經一曰「三萬天人得法眼淨。」無量壽經下曰「得清淨法眼。」維摩經佛國品曰「遠塵離垢。得法眼淨。」大經慧遠疏曰「見

四真諦。名淨法眼。」註維摩經二「肇曰法眼道。須陀洹道也。始見道跡。故得法眼名。」同

嘉祥疏曰「云法眼淨者。小乘亦法眼。大乘亦法眼。小乘法眼即初果見四諦法名法眼。大乘法眼初地得真無生法故云法眼。」

【法曼茶羅】（術語）四種曼茶羅之

一經論之文字言語並經論之義理及真言之種子陀羅尼等。凡關於法文義理者悉名法曼茶羅。以此為大日如來之法門身故也。秘藏記上曰「法曼茶羅。種子也。是謂法身軌持之義。」因省作法曼。

【法曼茶羅身】（術語）三秘密身中種子秘密身也。胎藏界之大日如來為咒字。

【法處】（術語）十二處之一。意根所對之境。總名法處。

【法處色】（術語）法處所攝色之略。

【法處所攝色】（術語）總括諸法為十二處。攝屬於法處而為意處之所對者。有五種。一極畧色。分析色聲香味觸。眼耳鼻舌身等有質之實色。而令至極微者。二極迴色。分析虛空青黃等無質之顯色。而令至極少者。達見為難。故名極迴色。三受所引色。即無表色也。是為依受戒而引發於身中之色。故名受所引色。四遍計所起色。遍計一切法之

意識前所顯現之五根五境等影像是也。如空華水月等皆為此所攝。五定所生自在色。禪定所變之色。馨香味等境也。以勝定力之故。於一切之色變現自在。故名定所生自在色。見義林章五末。

【法務】（雜語）事法之業務也。又佛法上之業務也。華嚴經八十曰「普解世間諸法務。」唐僧傳（慧暉傳）曰「既達成都。大弘法務。」

【法眷】（雜名）禪林之目。法中之眷屬。或稱同修道者。見象器箋五。

【法教】（術語）佛法之教也。觀佛經十曰「讀誦經。廣演法教。」中阿含經四十一曰「以法教令得安穩。」

【法救】（人名）梵名達磨多羅。 Dharmadatta 有四人。

【法瓶】（物名）布薩時所用之瓶名。法瓶。盛香湯及香水。見象器箋十九。

【法將】（雜語）佛法之大將高德之

於弟子如大將之於軍。彌勒下生經曰：「大

智舍利弗能隨佛轉法輪。佛法之大將。」大

方廣十輪經七曰：「常住清淨國法將之住

處。」智度論二曰：「大師法將各自別離。當可

奈何。」同七曰：「佛為法王。菩薩為法將。所尊

所重。唯佛世尊。」西域記十二曰：「印度學人

咸仰盛德。既曰經筒。亦稱法將。」寄歸傳三

曰：「大師影謝。法將隨亡。」五教章上曰：「此

上十家諸德。並是當時法將。」

【法堂】（堂塔）他宗云講堂。禪家云

法堂。演說大法之堂也。華嚴經五曰：「世尊

凝眸處法堂。炳然照曜宮殿中。」同七十五

曰：「善財童子將升法堂。」同七十六曰：「時

有守護菩薩法堂羅刹鬼王。名曰善眼。」大

方等日藏經一曰：「於當來世。是中皆應起

立塔寺。造作法堂。安置舍利經法形像。」毘

奈耶雜事三十七曰：「於城東形勝地興建

法堂。」已上出於經律。歷代三寶記十二曰：「

法堂佛殿既等天宮。震旦神州還同淨土。」

傳燈錄四慧忠章曰：「師欲於殿東別創法

堂。」宋高僧傳八香育傳曰：「樹立法堂嚴奇

麗。」已上據百丈已前之說。然至百丈海禪

師制禪苑之規繩。特重取法堂。不立佛殿而

唯達法堂。以此表佛祖親承。當代為尊故也。

傳燈錄百丈章禪門規式曰：「不立佛殿唯

樹法堂者。表佛祖親囑受當代為尊也。」然

諸方獨立佛殿。不準其令。獨德山鑑禪師固

守之。正宗贊一德山章曰：「師凡住院。拆却

佛殿。獨立法堂而已。」百丈之禪苑規繩。概

取意於朝制。故至法堂之制造亦是擬於大

極殿。

【法執】（術語）二執之一。固執心外

有有為無為之實法之妄念也。二乘之人。雖

斷我執而不能絕此法執。大乘之菩薩則漸

斷之。唯識論一曰：「由我法執。二障具生。」菩

提心論曰：「二乘之人雖破人執。猶有法執。」

【法船】（譬喻）佛使人渡生死海到

涅槃之岸。故譬以船筏。涅槃經一曰：「無上

法船。於斯沈沒。」心地觀經一曰：「善逝恒為

妙法船。能截愛流超彼岸。」舊華嚴經五曰：「

興造正法船。普拯所應度。」付法藏傳六曰：「

欲出三界生死大海。必假法船方得度脫。」

【法域】（術語）猶曰法性土。即涅槃

之境界也。釋門歸敬儀中曰：「泥洹法域。入

有多門。」

【法梁】（雜語）佛法之棟梁也。尊勝

陀羅尼經曰：「真是佛子。持法棟梁。」

【法深信】（術語）二種深信之一。

【法密部】（流派）同法藏部。

【法華】（雜語）法華經也。又法華宗

也。

【法華經】（經名）妙法蓮華經之畧

名。經中法師品曰：「是法華經。深固幽遠。

無人能到。同安樂行品曰：「此法華經。諸佛如來秘密之藏。於諸經中最在其上。」

【法華論】（書名）妙法蓮華經論優婆提舍之畧名。

【法華會】（行事）講讀法華經之法會也。

【法華宗】（流派）原為天台宗之本名。因彼宗以法華經為本經故也。

【法華法】（修法）轉讀法華經之法。為祈息災而修之。

【法華堂】（堂塔）具名法華三昧堂。以普賢菩薩為本尊。而修法華三昧之所也。

【法華講】（行事）講讀法華經之法會也。

【法華一實】（術語）法華經所明為一乘真實之法也。

【法華二妙】（名數）相對妙與絕對妙也。

【法華三周】（名數）法華經分括迹門之說法為三周。見三周條。

【法華三昧】（術語）三諦圓融之妙理。分明現前。障中道之無明止息。謂之法華三昧。此法華三昧之名為法華經妙音菩薩品所說十六三昧之異名。法華三昧者。天台

之意。三諦圓融為一實。譬之權實不二之花。花實為實。花瓣為權法。攝一切法使歸一實相也。嘉祥云於三一自在。長短無礙。謂之法華三昧。慈恩云。達於一乘之理也。文句記

二曰：「實道所證一切名法華三昧。」法華文句記十曰：「此十六並法華三昧異名耳。隨義說之。」大部輔註十曰：「法華者。慈恩云。達一乘理。今謂三諦圓融名法。譬喻奇特名華。」

嘉祥法華義疏十二曰：「於三一自在長短無礙。道法華三昧也。」佛祖統紀慧恩傳曰：「將於身倚壁。豁然大悟法華三昧。自是之後。所聞之經。不疑自解。」同智顛傳曰：「南

岳歎曰。非汝弗證。非我莫識。所入定者。法華三昧前方便也。」又欲證得法華三昧別說道場讀誦法華之行法。謂之行法華三昧。又曰。修法華懺法。智者大師之法華三昧懺儀。荆溪之法華三昧行事運想補助儀各有一卷。

【法華六瑞】（名數）見六瑞條。

【法華七喻】（名數）見譬喻條附錄。

【法華八年】（雜語）據三論法相兩家之說。則法華為佛七十五歲以後之說法。八十八入滅。則為足五年之說法。（法華義疏七。法華玄贊九）然台家謂由七十二歲始說至八十歲為足八年云。是據法界性論十二年說阿含三十年說大品等。八年說法華之說。法界性論為菩提流支著。今已不傳。

【法華八軸】（雜名）法華本為七軸。後世因八講之便。以為八軸。

【法華八葉】（術語）據密教之意。妙

一四〇五

佛學大辭典

八畫

法之蓮華，即為標衆生之肉團者，故如肉團心之八瓣，妙法之蓮華亦為八葉之白蓮華也。且云法華之八軸亦為表八業者。見法華秘略要妙一。

【法華經會】（行事）常畧曰法華會。

講讀法華經之法會也。

【法華經論】（書名）妙法蓮華經論。

優婆提舍之異名。

【法華玄論】（書名）十卷，隋吉藏撰。

【法華玄贊】（書名）具名妙法蓮華。

經玄贊十卷，唐慈恩撰。

【法華玄義】（書名）妙法蓮華經玄義之畧名。

義之畧名。

【法華入疏】（書名）七卷，四明智威撮畧天台之文句合入於本經者。

【法華持者】（雜名）一心持誦法華經者。

【法華常行】（儀式）法華三昧與常迹門之意，以不變真如為本，故云燒臂燒身。

行三昧也。常行三昧即念佛三昧。

【法華科註】（書名）妙法蓮華經科註十卷，倫柯山著。

【法華尊者】（人名）天台東土之第六祖智威禪師，卜禪居於台州普通山，其地名法華，習禪者有三百人，聽講者有七百。因之號曰法華尊者。見佛祖統紀七。

【法華義疏】（書名）具名妙法蓮華經義疏十二卷，隋嘉祥寺胡吉藏撰。

【法華儀軌】（書名）成就妙法蓮華經主瑜伽觀智儀軌經之略名。

【法華護摩】（修法）靜明法印云：密教之護摩，闍陀梵志之行也。藥王之燒臂燒身，真實之護摩也。法華藥王菩薩燒臂燒身之行，為最上乘之大行，真法供養之密行。所謂燒兩臂者，空二偏而歸於中道之意也。燒身者，燒別教假中顯圓融三諦之意也。又依

依本門之意，以隨緣真如為本，故云還復如故。又燒盡色法五大是燒臂燒身之義，成法性五大是還復如故之義。又混萬法而歸一，如是燒臂燒身之意，蘇生三千並成，顯俱體俱用，是還復如故之意也。見溪嵐拾葉集。

【法華懺法】（修法）天台智者為行者制修法華三昧之儀式作法，是為法華三昧行法。

【法華三昧會】（行事）修法華三昧行法之法會也。

【法華三昧經】（經名）法華三昧經一卷，劉宋智嚴譯。衆會欲問佛，佛放口光遍照十方，即不見佛。大衆各入三昧，亦觀察不可得。羅閱王辯道及女利行等來，佛由地涌出，坐蓮華之上。利行問佛，乃至得道與衆問答。諸女發心皆出家，王亦出家得授記。

【法華八講會】（行事）分八座講讀法華經八卷之法會也。

【法華千部會】（行事）集僧一千人，讀誦法華經一千部之法會也。

【法華經種子】（術語）說孔子也。又有一義，說此經中之神呪即是種子。

【法華經會儀】（書名）十六卷。明智旭撰。

【法華問答講】（行事）就法華經立論題問答之講會也。

【法華文句記】（書名）十卷。唐湛然釋法華文句。

【法華涅槃時】（術語）台家五時之一。法華涅槃二經同為醍醐味，故合為一時也。見五時教條。

【法華曼陀羅】（術語）形法華會座之畫像也。頌曰：「右釋迦佛左多寶，八大菩薩四聲聞，次八菩薩八供養，五大明王四天王，梵釋二天五部衆。」八大菩薩者，東方文殊、東南藥王、南方妙音、西南精進、西無盡意、

西北觀音、北方普賢、東北彌勒也。四大聲聞者，東北迦葉、東南善吉、西南身子、西北目連也。已上內院。次八菩薩者，東方勢至、東南寶手、南方寶幢、西南星宿、西方寶月、西北滿月、北方勇施、東北一切義成就等也。八供養菩薩者，東鎖、巽燈、南鈴、坤塗、西鈎、乾香、北索、

長華也。已上次院。次五大明王者，長鳥瑟沙、巽軍荼利、坤不動尊、乾降三世也。（僅有四大明王）四大天王者，東方持國、南方勒叉、西方廣目、北方多聞也。二天五部者，寅梵天王、辰帝釋、未難陀龍、申緊那羅、戌樂乾闥婆、亥羅睺羅、丑如意迦樓羅王也。（已上外一院）見二中歷第三。

【法華三昧行法】（書名）見左項。

【法華三昧懺儀】（書名）一卷。隋智者撰。取法華、普賢觀經及諸大乘經之意，記修法華三昧之行法儀式。然此為宋人之刪定本，已失其真。題曰法華三昧行法者，是其

真本。今日所用之法華懺法，即由此本抄出。【法華十羅刹法】（經名）一卷。失譯。

法華經陀羅尼品所列十羅刹女之修法也。【法華玄義釋籤】（書名）二十卷。唐湛然著。法華玄義之釋義也。釋籤者，箋註疑義而釋之之意。

【法華經說三昧耶】（術語）經中說三種之三昧耶，自三部三身之三昧耶也。蓮華即蓮華部口業之應身三昧耶，寶塔為佛部身業之法身三昧耶，寶珠為金剛部意業之報身三昧耶。案寶塔為佛部，一地為金剛部，寶珠為寶部，蓮華為蓮華部，長者為羯磨部。

【法華三昧行事運想補助儀】（書名）一卷。唐荆溪湛然撰。補助智者大師法華三昧懺儀之式法也。運想者，作香華等偈而運想供養也。

【法勝毘曇】（書名）法勝阿毘曇心

論之略名。

【法勝阿毘曇心論】（書名）六卷、優婆扇多造、高齊那連提黎耶舍譯。是釋法勝尊者之阿毘心論十品、歸功於本、故謂之法勝阿毘曇心論。

【法喜】（術語）聞法或味法而生喜。是曰法喜。法華經寶塔品曰、「聞塔中所出音聲、皆得法喜。」讚阿彌陀佛偈曰、「光所至處得法喜。」案維摩詰菩薩、以法喜為妻。慈悲為女。法喜者、亦謂見法生歡喜也。蘇軾詩曰、「雖無孔方兄、幸有法喜妻。」

【法喜食】（術語）二食之一。聞法歡喜、增長善根、以資益慧命、猶如世間之食、故名法喜食。法華經五百弟子授記品曰、「其國衆生常以二食。一者法喜食、二者禪悅食。」

【法喜菩薩】（菩薩）法起菩薩之誤。

【法喜禪悅】（術語）法喜食與禪悅

食也。

【法無我】（術語）見二無我條。

【法無我智】（術語）見二無我智條。

【法無礙智】（術語）法無礙解又名法無礙智。見四無礙解條。

【法無礙解】（術語）見四無礙解條。

【法無別真如】（術語）十真如之一。見真如條附錄。

【法無去來宗】（術語）華嚴宗所判十宗之一。其宗義如小乘中大衆部謂惟一切諸法中現在法及無為法有實體、而過去未來之法無也。

【法智】（術語）智度論所說十一智之一。觀見欲界苦集滅道四諦法之無漏智也。是初知法、故名法智。又知現在之法、故名現智。大乘義章十五曰、「言法智者、亦名現智。自體名法。初知法故、名為法智。以知現法、故名現智。」因（人名）四明山延慶寺知禮。

宋太宗賜法智大師之號。見佛祖統紀五十。

【法智印】（術語）法曼荼羅也。該攝一切之經典。性靈集七曰、「講演大日法智印。」大日經也。

【法智遺編觀心二百問】（書名）一卷。宋知禮撰。其法孫繼忠集成之。

【法報】（術語）佛三身中法身報身之二身也。

【法報應】（術語）佛之三身、即法身報身應身是也。見三身條。

【法報應化】（術語）法身報身應化身、即佛之三身。第三身一名應身、一名化身、又云應化身。

【法報不分】（術語）法華文句九曰、「近代翻譯。法報不分。二三莫辨。自古經論許有三身。若言毘盧與舍那不別。則法身即是報身。」是荆溪批難華嚴家之語也。台家之意謂毘盧舍那為法身、盧舍那為報身、釋

迦爲化身。(慈恩傳亦同)然華嚴宗之意則

謂毘盧舍那與盧舍那不過爲梵語之具畧

是同一法身之稱因而彼宗之學者有立華

嚴經爲法身佛之說法者今破之謂毘盧舍

那即盧舍那則無法報之別不能辦三身之

區別因之華嚴經爲他受用報身之說法決

非法身也見毘盧舍那條

【法雲】(雜語) 喻佛法之涵蓋一切

也華嚴經曰「不壞法雲徧覆一切」

【法雲地】(術語) 菩薩十地之第十

大法之智雲徧注甘露之雨之位也

【法雲等覺】(菩薩) 十地之第十位

爲法雲地越法雲地卽爲等覺越等覺卽爲

妙覺

【法集】(雜名) 猶言佛會謂聚佛教

徒以講法也南史梁昭明太子統傳曰「太

子素信三寶徧覽衆經乃於宮內別立慧義

殿專爲法集之所招引名僧自立三諦法義

【法集經】(經名) 六卷元魏菩提留

支譯佛在虛空界法界差別住處最上樓閣

妙寶臺上諸菩薩諸聲聞各說勝妙之法集

佛悉讚印

【法集名數經】(經名) 一卷趙宋施

護譯集佛所說出世間及世間法之名數

【法集要頌經】(經名) 四卷尊者法

救集趙宋天息災譯卽出曜經三十三品之

法偈

【法然】(術語) 同法爾自然也觀念

法門曰「業果法然衆無錯失」

【法衆】(雜語) 順佛法之衆也卽出

家五衆之總稱圓覺經曰「願爲諸來一切

法衆重宣法王圓滿覺性」寄歸傳一曰「若

泛爲俗侶但略言其禁局提法衆遂廣彰乎

七篇」

【法場】(雜名) 與道場同行佛法之

場處也

【法會】(儀式) 爲說法及供佛施僧

之集會也法華經隨喜功德品曰「若人於

法會得聞是經典」圓覺經曰「與諸眷屬皆

入三昧同住如來平等法會」

【法會社】(雜名) 寺院之異名寺院

爲衆人協力所成衆人之會所故名法會社

見僧史畧下

【法鼓】(譬喻) 扣鼓誠兵進衆以譬

佛之說法爲誠衆進善者法華經序品曰「

吹大法螺擊大法鼓」無量壽經上曰「扣法

鼓吹法嬴」大集經五十六曰「法幢當摧折

法鼓聲亦絕」大經慧遠疏曰「嚴鼓誠兵說

教誠人」同嘉祥疏曰「扣鼓誠兵合佛說法

以集衆欲進趣於善」因禪林之器法堂設

二鼓其東北角之鼓謂之法鼓西北角之鼓

謂之茶鼓見象器箋十八

【法鼓經】(經名) 大法鼓經之略名

【法愛】（術語）愛有二種，一欲愛，凡夫之愛着也。二法愛，菩薩已上之愛樂善法也。此法愛又有二種，一小機之愛涅槃者及菩薩未斷法執而愛善者，此法愛必當斷之。

二如來之大悲，亦云法愛，是無上之真愛也。圓覺經曰：「善能歸悟利，先去貪瞋痴。法愛不存心，漸次可成就。」同註曰：「法愛者，愛涅槃也。」仁王經中曰：「順逆法愛無明習，遠行大士獨能斷。」同良賁疏曰：「順道法愛者，愛善法也。婆沙論中名善法欲。」涅槃經五曰：「愛有二種，一者餓鬼愛，二者法愛。眞解脫者離餓鬼愛，憐愍衆生故有法愛。如是法愛眞解脫。」

【法愛梵志】（本生）名義集偈頌曰：「雪山大士求半偈而施身，法愛梵志敬四句而折骨。」智度論所謂愛法梵志也。

【法頌】（術語）說正法之偈頌也。

【法頌舍利】（術語）見法身偈條。

【法滅】（術語）佛法滅盡也。凡佛法滅盡之相，乃諸佛之通軌，分正像末之三法次第漸滅。一正法，佛雖去世而法儀未改，證悟之人多也。二像法，去佛世已久，道化漸訛，替正法變爲似法也。三末法，去佛世長遠，僅存教法之一分，更無修行證果之實効也。此三時之年限，其長短諸佛各不同，又我釋迦佛經論之所說亦不同，今據通途之一說，則正法五百年，像法一千年，末法一萬年，過此三時，則佛法悉滅盡。

【法滅盡經】（經名）一卷，失譯，佛臨涅槃，說末世衆魔比丘爲不如法事，乃至袈裟變白，爲法滅之相者。

【法義】（術語）法者教法，能證之教文也，義者所證之義理也。法華經序品曰：「演大法義。」佛說譬喻經曰：「如來大慈爲說如是微妙法義。」嘉祥法華經疏二曰：「教法但稱爲法，教所表理即稱爲義。」

【法照】（人名）蓮社七祖之第四祖，唐大歷二年止於衡州之靈峯寺，慈忍戒定，當時之宗師也。嘗於僧堂之食鉢中現一寺題曰大聖竹林寺。四年，於郡之湖東寺開五會念佛（五百爲一會）因製五會法事讚，以定其法式。後詣五臺山建竹林寺，代宗時以爲國師。大歷七年寂。見佛祖統紀二十六。

【法電】（譬喻）說法照了，譬如電光無量壽經上曰：「震法雷，曜法電。」同慧遠疏曰：「義無礙智益衆生也。電光一發，有物斯觀，義言一宣，諸義悉見。」同嘉祥疏曰：「耀電譬說法有照了之用也。」

【法號】（術語）又云戒名。受戒時師所授之名也。又僧死後之諡號，亦稱法號。

【法窟】（雜名）修法道場之稱。

【法業】（術語）如法之所作也。中阿含經五十二曰：「是不如法業，不如律業。」

【法雷】（譬喻）佛之說法，能發動無

但稱爲法，教所表理即稱爲義。

明之識。如震雷之駭動物情也。又衆生生法芽。如春雷一動。草木生芽也。又法音之雄猛。如震雷也。無量壽經上曰。「震法雷。曜法電。」同嘉祥疏曰。「震雷能駭動物情。譬說法皆動無明之識也。」同慧遠疏曰。「法無礙智化衆生也。天雷一動。卉藝生芽。法音一聞。闍道快成。」

【法殿】（雜名） 正法之殿堂也。正法為賢聖之住處。故以殿堂為譬。涅槃經十九曰。「法殿欲崩。法幢欲倒。」

【法鈴】（譬喻） 誦經之妙音。以金鈴譬之。智度論五曰。「持誦廣宣振法鈴。」

【法筵】（雜名） 法事之坐席也。楞嚴經一曰。「法筵清衆。得未曾有。」北齊書杜弼傳曰。「四月八日。魏帝集名僧於顯德殿。講說佛理。弼與吏部尚書楊愔。中書令邢劭。祕書監魏收等。並侍法筵。」

【法想】（術語） 思惟法之想念也。維

摩經問疾品曰。「即除我想及衆生想。當起法想。」

【法歲】（術語） 又云夏臘。自四自十。六日至七月十五日。一夏九旬之安居既竟。即為比丘一法臘。如言法歲幾何等。釋氏要覽曰。「夏臘即釋氏法歲也。」

【法隄度】（術語） 二十隄度之一。僧之行法行來。進止規定者。是四分律四十九卷所說。

【法爾】（術語） 與自爾。法然。天然。自然。不假他之造作。其法自然也。如火之熱。水之濕也。宗圓記四曰。「法爾者。爾此也。謂不構造。其法自如此。猶云自然也。」

【法爾往生】（術語） 謂以彌陀之願力。自然往生於報土也。法爾為自然及他力之義。

【法爾道理】（術語） 四種道理之一。謂有生必有死。有因必有果。乃天然自然之

道理也。

【法網】（術語） 大法之綱也。止觀五曰。「廣施法網之目。捕心行之鳥。」

【法網】（術語） 見夫外道種種之邪見。有六十二種。謂之六十二見。古佛或云法網。或云見網。釋迦佛謂為梵網。見梵網六十二見經。

【法慳】（術語） 二慳之一。謂慳惜佛法。不肯教導他人也。

【法誓】（術語） 為佛道之誓願也。

【法僧】（術語） 真言修法之僧也。

【法塵】（術語） 六塵之一。一切之法。為意識之所緣者。謂之法塵。在十二處中。謂

之法處。在十八界中。謂之法界。於根境相對之語。則曰法境。楞嚴經一曰。「縱滅一切見聞覺知。內守幽閉。猶為分別影事。」行宗記二下曰。「法塵一界。兼通色心。」

【法蓋】（物名） 禪林之器。繡羅三簷

之大傘也。新任持入院行者執而覆之。見象器箋十九。

【法語】（術語）說正法之言語也。涅槃經三十四曰「為利根人廣說法語。」成實論曰「雖是法語。說不應時。名為綺語。」讚阿彌陀佛偈曰「隨其所應聞法語。」

【法說周】（術語）法華三周說法之一。見三周條。

【法緊那羅王】（天名）法華經會座所列四緊那羅王之一。法者是其名也。

【法輪】（術語）佛之說法。能摧破衆生之惡。猶如輪王之輪寶。能輾摧山岳巖石。故謂之法輪。又佛之說法。不停滯於一人一處。展轉傳人。如車輪然。故譬爲法輪。行宗記一上曰「法輪者。摧業惑故。」維摩經佛國品曰「三轉法輪於大千。其輪本來常清淨。」智度論八曰「佛轉法輪。或名法輪。或名梵輪。」同二十五曰「佛轉法輪。如轉輪聖王轉寶

輪。（中略）轉輪聖王手轉寶輪。空中無礙。佛轉法輪。一切世間天及人中無礙無遮。其見寶輪者。諸災惡害皆滅。遇佛法輪。一切邪見。疑悔災害皆悉消滅。王以是輪治四天下。佛以法輪治一切世間天及人。」嘉祥法華疏二曰「無生正觀。體可楷模。故名爲法。流演圓通。不繫於一人。故稱爲輪。又無生正觀。無累不摧。亦是輪義。」維摩經慧遠疏曰「名四諦以爲法輪。從喻名之。如轉輪王所有輪寶。能摧剛強。轉下衆生。上昇虛空。四諦如是。能摧衆生惡不善法。轉下衆生。上入聖道。故以爲輪。」

【法輪三相】（名數）法輪之語。雖通名一切之佛法。然常別指見道之八聖道而言。蓋輪有輻。輻有三相。此八聖道亦具此三相也。又車輪速疾。見道之觀行亦速疾也。俱舍論二十四曰「唯依見道。世尊有處說名法輪。如世間輪有速等相。見道似彼。故名法輪。見道云何與彼相似。由速行等似彼輪。故謂見諦道速疾行故。有捨取故。降未伏故。鎮已伏故。上下轉故。具此五相似世間輪。尊者妙音作如是說。如世間輪有輻等相。八支聖道似彼名輪。謂正見正思惟正勤正念似世輪輻。正語正業正命似轂。正定似輞。故名法輪。」

【法輪塔】（堂塔）心地觀經所說佛八塔之一。在鹿野苑中。稱曰初轉法輪塔。

【法輪僧】（術語）破和合僧中二僧之一。出家之士。不簡凡僧。同行如來四依之正法。和而無乖。是曰法輪僧。破此法輪僧之和會。是爲破僧罪之一也。見大乘義章七。

【法論】（術語）法義之議論也。

【法樂】（術語）對於欲樂而有法樂。以法味樂神。名之爲法樂。又行善積德。以自娛。亦曰法樂。維摩經菩薩品曰「有法樂可娛。亦曰法樂。不應復樂五欲樂也。天女卽問。何謂

法論。見道云何與彼相似。由速行等似彼輪。故謂見諦道速疾行故。有捨取故。降未伏故。鎮已伏故。上下轉故。具此五相似世間輪。尊者妙音作如是說。如世間輪有輻等相。八支聖道似彼名輪。謂正見正思惟正勤正念似世輪輻。正語正業正命似轂。正定似輞。故名法輪。」

法樂。答曰。樂常信佛。樂欲聽法。樂供養衆。(中略)樂修無量道品之法。是爲菩薩法樂。唯識論十曰。自受用身。盡未來際。恒自受用廣大法樂。智度論九曰。安之以無患。度之以法樂。俗以向神。誦經唱陀羅尼等。謂之法樂。爲使神得法樂之意。與言奉法施者。其事同。其義稍異。因俗於法事之後。有舞樂。謂之法樂。

【法潤】(人名) 紀傳不詳。日本明匠畧傳引三國高僧碑曰。法潤阿闍梨者。青龍寺東塔院義操和尚之付法也。又祖師慧果阿闍梨之入室也。以胎藏金剛兩部之大法。並諸尊之瑜伽秘法。付屬玄法寺法全阿闍梨淨住。寺道昇和尚等。

【法幢】(譬喻) 妙法高聳。如幢之上出。故曰法幢。又如猛將之建幢旗。以譬佛菩薩之說法。能伏魔軍而得勝也。無量壽經上曰。建法幢。震法雷。涅槃經十九曰。法殿

欲崩。法幢欲倒。大經慧遠疏曰。宣說證法。證法高勝。如幢上出。同嘉祥疏曰。建幢是戰勝之相。譬說法降魔得勝也。祖庭事苑七曰。諸佛菩薩建立法幢。猶如猛將建諸幢幟。降伏一切諸魔軍。

【法敵】(術語) 對佛法之怨敵也。

【法數】(術語) 法門之數也。謂三界五蘊。五位。七十五法。四諦。六度。十二因緣等。

【法燈】(譬喻) 正法能照破世之冥闇。譬以燈火。心地觀經二曰。法寶猶如一切明燈。華嚴經二曰。能燃照世妙法燈。燃此法燈者爲佛祖。故指佛祖云法燈。傳法者云傳燈。

【法緣】(術語) 三緣之一。思惟離人我相。一味平等之法理也。例如慈悲。深見諸法。因緣生之理而起平等之慈悲。謂之法緣之慈。涅槃經十四曰。法緣者。不見父母妻子親屬。見一切法皆從因緣生。是名法緣。

出。故曰法幢。又如猛將之建幢旗。以譬佛菩薩之說法。能伏魔軍而得勝也。無量壽經上曰。建法幢。震法雷。涅槃經十九曰。法殿

【法緣慈悲】(術語) 三種慈悲之第二。見前項。

【法橋】(譬喻) 大法能使人渡生死之大河。譬如橋也。長阿含經二曰。佛爲海船師。法橋渡河津。大乘道之舉。一切渡天人。華嚴經十三曰。衆生無知不見本。迷惑痴狂險難中。佛哀愍彼。建法橋。涅槃經十九曰。法船欲沉。法橋欲壞。

【法融】(人名) 牛頭山法融禪師。潤州韋氏子。年十九。投茅山落髮。後入牛頭山北巖之石室。靜坐觀心。適四祖踵至。問曰。觀是何人。心是何物。師無對。遂延祖入庵。祖見虎狼圍繞。怖畏。師曰。猶有這個在。祖於師座上書一佛字。師竦然。不敢坐。祖曰。猶有這個在。師乃稽首請益。祖爲說法要。且曰。吾受燦大師頓教法門。今付於汝。向後當有達者。紹汝元化。自爾法席大盛。後得上首智巖。付囑法印。明年正月十三日。不疾而化。

【法器】（術語）堪行佛道者謂之法器。法華經提婆品曰：「女人垢穢，非是法器。」

二祖慧可久事達磨，莫聞誨勵，乃斷臂求法。師知是法器，付以衣鉢。見山堂肆考：「僧道齋醮所用之樂器，謂之法器，如鏡鈸之屬。」

【法樹】（譬喻）佛法能獲涅槃之果實，以樹譬之。涅槃經十九曰：「法幢欲倒，法樹欲折。」

【法談】（雜語）法義之談話也。又言說法、讚嘆、談義等。淨土門一家多用此目，如高僧傳十科中之唱導是。

【法劍】（譬喻）佛之說法，能斷煩惱，故以劍為譬。無量壽經上曰：「執法劍，建法幢。」同嘉祥疏曰：「劍有斬斫之用，內合佛說法以生物解，有斷結之用。」

【法縛】（術語）與法執同。謂染著於法也。圓覺經曰：「菩薩不與法縛，不求法縛。」

【法齋日】（術語）謂每半月末日及

六齋日可受持八戒齋之日也。雜阿含經四十一曰：「於法齋日及神足月受持齋戒。」

【法螺】（譬喻）梵語商佉，譯曰珂貝。即螺貝也。螺貝之聲遠聞，以喻佛之說法廣被大眾。又螺聲勇猛，以表大法之雄猛。又吹螺而號令三軍，以譬說法降魔。法華經序品曰：「吹大法螺，擊大法鼓。」無量壽經上曰：「扣法鼓，吹法螺。」鼓音經曰：「吹大戰螺，擊大戰鼓。」嘉祥法華經疏三曰：「螺鼓遠聞之義，顯大法有廣被之能。」已上為顯教所說，法螺但譬佛之說法耳。於佛事吹螺貝之說，今無行之者，惟密教徒用之。其說謂螺貝，乃無量音佛頂尊之三昧耶形，佛之法音標幟，吹之則諸天善神歡喜而影向，且聞之者滅諸罪障。千手觀音之一手持寶螺。大日經疏十六曰：「無量音佛頂以珂貝，謂商佉也。」不空絹索經十八曰：「若加持螺語，高望處大聲吹者，四生眾生聞螺聲者滅諸重罪。」千手

經曰：「若為召呼一切諸天善神者，當於寶螺手。」螺貝之實用，散見於律中布薩之條下，如健椎為供告知之用者。中國古時軍隊亦用以示進退。本係軟體動物，產於海中，殼為螺旋狀，上部延長，形畧似梭，故又稱梭尾螺。色黃白，有淡紫斑紋，肉可食。大者於螺頭穿孔吹之，發聲甚響而遠，俗謂之海唎囉。

【法螺經】（經名）妙吉祥菩薩所問大乘法螺經之異名。

【法聲】（雜語）說妙法之音聲也。賢愚經十三曰：「五百群雁愛敬法聲，即共飛來。」

【法應】（術語）法身冥應眾生之機也。法華玄義六曰：「法應則冥益。」

【法藏】（術語）又曰佛法藏，一名如來藏。法性之理也。法性含藏無量之性德，故曰法藏。無量壽經上曰：「行權方便入佛法藏，究竟彼岸。」又曰：「受持如來甚深法藏，護

佛種性。又曰「爲衆開法藏。廣施功德寶。」

同嘉祥疏曰「名理爲藏。解契宗源。故云入

佛法藏。」同慧遠疏曰「如來藏性。是如來甚

深法藏。闡障既除。明現已心。故曰受持。」因

(術語)佛所說之教法也。教法合藏多義。故

名法藏。多法集積。故又曰法蘊。其數有八萬

四千。釋之者有多義。法華經序品曰「此妙

光法師奉持佛法藏。」同寶塔品曰「持八萬

四千法藏。爲人演說。」賢劫經曰「佛初發至

分舍利凡有三百五十度門。一一皆有六度。

合二千一百。又對四分。合八千四百。一變十

合八萬四千。」俱舍論一曰「有師言如來說

八萬部法蘊經。一一法蘊有六千頌。如法蘊

足論有六千頌。又有師說就所詮法義。五蘊

十二處十八界等其數八萬四千因之顯一

法門之教門爲一法蘊。其數八萬。然如實說

所化有情。有貪瞋等八萬煩惱。爲對治之。世

之根鬚枝葉多。名爲一樹。佛爲一衆生始終

說法名一藏。如有八萬。有曰佛名一座說

法爲藏。如有八萬。有云十六字爲半偈。三

十二字爲一偈。如有八萬。有云每半月說

戒。爲一藏。如有八萬。有云佛自說六萬大

千偈爲一藏。如有八萬。有云佛說塵勞有

八萬。法藥亦有八萬。名八萬法藏。因(雜名)

納經之庫藏曰法藏。亦云寶藏。因(菩薩)無

量壽佛在因位時之名也。見次項。因(人名)

華嚴之祖賢首法藏法師諱法藏。康居國人。

姓康氏。來居長安。往侍智儼。盡得其教。以巾

幘說法。武后度之爲僧。乙未。詔師開示華嚴

宗旨。方序經題。口出白光。須臾成蓋。后大悅。

賜號賢首。詔佐實。又難陀譯華嚴經。既畢。詔

講新經。大地震動。即日指殿隅金獅子爲曉

警之因。其說著金師子章。睿宗受內禪。請師

授菩薩大戒。師講華嚴三十餘遍。楞伽密嚴

薦福寺。贈鴻臚卿。是爲華嚴三祖。

【法藏比丘】(菩薩) 阿彌陀佛因位

在世自在王佛所出家修行時之名也。無量

壽經曰法藏。平等覺經曰曇摩迦留。 Dhara-

dhara 譯曰法寶藏。大阿彌陀經曰曇摩

迦。無量壽經云作法。如來會云法處。智度五

十云法積。嘉祥大經疏曰「能蘊畜佛法。故

曰法藏。」

【法藏碎金錄】(書名) 十卷。宋晁迥

撰。皆融會佛理。隨筆記載。亦宗門語錄之類。

其曰碎金。取世說新語安石碎金義也。孫觀

謂其宗向佛乘。以老莊儒書彙而爲一。明嘉

靖乙巳。迥裔孫璩始從內閣錄出鈔板。以行。

改其名曰迦談。今仍從迥原名。見四庫提要。

【法類】(雜名) 稱屬於同宗同派之

僧侶。

【法鏡】(譬喻) 大法能照物。故以鏡

譬之。智度論五曰「法之大將持法鏡。照明

佛法智慧藏。」

【法鏡經】（經名）二卷。後漢嚴佛調等譯。大寶積經郁伽長者會第十九之異譯。

【法寶】（術語）三寶之一。諸佛所說之妙法。珍重如世之財寶。故云法寶。維摩經佛國品曰：「集衆法寶。如海導師。」增一阿含經一曰：「三阿僧祇集法寶。」因僧家所用衣鉢、錫杖等也。僧法海有六祖法寶記一卷。見唐書。

【法寶藏】（術語）法寶含攝無量之法財。故曰法寶藏。法華經五百弟子品曰：「供養諸如來。護持法寶藏。」

【法寶壇經】（經名）六祖大師法寶壇經之略名。

【法寶藏陀羅尼經】（經名）文殊師利法寶藏陀羅尼經之略名。

【法藥】（譬喻）妙法能醫衆生之衆苦。故名藥。無量壽經上曰：「以諸法藥救療

三苦。」涅槃經四曰：「度衆生故。爲說無上微妙法藥。爲斷一切煩惱樹故。種植無上法藥之樹。」藥師如來念誦儀軌曰：「淨妙瑠璃尊。法藥救人天。」

【三種法藥】（名數）一、世間法藥。如五常五行三歸五戒等是也。二、出世間法藥。如三藥四念處七覺八正道等是也。三、出世間上上法藥。如止觀是也。以止觀通前之出世間法。則悉爲上上法藥也。

【法蘊】（術語）同法藏。諸種之法門蘊積。是曰法蘊。俱舍論一曰：「所化有情有貪瞋等八萬行別。爲對治彼八萬行故。世尊宣說八萬法蘊。」

【法譬】（術語）所說之法義曰法。爲此顯其法義所設之譬喻曰譬。亦曰喻。因而或曰法譬。或云法喻。二者配對之語。

【法臘】（術語）臘者歲末祭神之名。即以爲歲末之稱。比丘受戒後。每年夏行三

月安居。其安居竟。卽爲比丘之歲末。謂之法臘。又名夏臘。戒臘。比丘爲出俗者。故不以俗年算之。必數此夏臘。以法臘之多少定比丘之坐次。謂之臘次。

【法魔】（術語）菩薩執著於法。爲法所嬈亂也。是名法魔。

【法蘭】（人名）竺法蘭之略稱。見竺法蘭條。

【法護部】（流派）同法藏部。

【法體】（術語）有爲無爲諸法之體性也。俱舍論分爲七十五種。成實論分爲八十四種。唯識論分爲百種。入宗綱要上曰：「三世實有。法體恒有。」又世俗剃髮曰法體。法師體相之義也。

【法體恒有】（術語）小乘薩婆多部之宗義。立三世實有。法體恒有。